

Langguth:
De ostendatione jurib.
ca.

1757.





EXERCITATIO
DE
OSTENTATIONE IVRIDICA
VIRIS

PRAENOBILISSIMIS, CONSULTISSIMIS
AMPLISSIMIS

DN. M. QVIRINO GOTTFRIED
SCHACHERO

NEC NON

DN. M. GOTTFRIED LEONARD
BAVDISIO

SVMMOS IN IVRE HONORES LIPSIAE
CAPESENTIBVS

CVM PIO ET SANCTO VOTO

OBLATA

A

IOANNE LVDOVICO LANGGVTH

IVR. VTR. DOCT.

D. IX. MAII MDCCXXXVII.

LIPSI AE
EX OFFICINA LANGENHEMIANA.

EXERCITATIO
DE
OSTENTATIONE IURIDICA
VIRIS

PRÆNOBILISSIMIS, CONSULTISSIMIS
AMPLISSIMIS

DN. M. QVIRINO GOTTFRIED
SCHACHERO

NEC NON

DN. M. GOTTFRIED LEONARD

BAVARISIO

SVM MOS IN VIRE HO. NORES LIPSIAE

OP. P. S. S. T. V. S.

CVM P. I. O. T. S. A. N. T. O. V. O. T. O.

OP. P. S. S. T. V. S.


IOANNE LVDOVICO LANGGATH

IVR. VTR. DOCT.

DN. M. M. M. DCCXXVII

LIPSIÆ
EX OFFICINA LANGENHEIMIANÆ





Ingenuo ostentationis suspicionem vitandam esse, dignum graui CICERONE 1) monitum habendum est. Cuius rationem idem alibi 2) indicat, *simulatione, aiens, et inani ostentatione, et ficto non modo sermone, sed etiam vultu, stabilem se gloriam consequi posse, si qui ventur, vehementer errant.* Itaque, quum mentem summi Oratoris perspectam cupiam, equidem, ipsi hoc loco *ingenuum*, artium liberalium ingenuarumque studiosum dici, arbitrarer. Testem excito doctissimum BVDAEVM, 3) ex antiquitate inueterata eruentem; bonarum artium in quauis facultate studia, ideo forsan splendido liberalium et ingenuorum nomine insignita fuisse, quod magis honestioribus et ingenuis essent propria. Sed ad ostentationem quod attinet, nulla mihi visa est de-

A 2 scri-

1) II. de Orat. Cap. 81.

2) II. Offic. Cap. 13.

3) in Not. ad l. 1. de extr. cognit.

scriptio rei accommodatio, quam haec CALVINI 4) *Ostentare est, affingere sibi maiora, quam quae re ipsa sint, quam ingenium ferat, aut facultates, aut falsa omnino de se praedicare, aliaque; quam sint ea praeclara admodum, magisque ac magis narratu, atque honoratu digna.* Accedit ad haec iterum TULLII disertissimi 5) sententia; *iactatio est voluptas gestiens et se effrensus insolentius.*

Nunc si quis quaerat, quo meditatio haec pertineat, ad *ostentationem iuridicam*, responsum ferat. Nam, ubi haud ita pridem in QUINTILIANI Institutionum orationiarum libros aureos inciderem, ibique, *iactationem eruditionis*, non solum nominatam, 6) sed etiam ad viuum refectam 7) deprehenderem, primum, heic ipsum CICERONEM, quem modo, imo plane paulo ante, venditionis hostem acerrimum vidimus, labeculae illius reum postulari, miratus sum, deinde, ne idem accidat aliis aetatis nostrae scientiarum Coryphaeis, extimui. Tum demum venire in manus, celeberrimi IOANNIS BURCHARDI MENCKENII Orationes de *Charlataneria Eruditorum*, 8) in quibus, omnem inuulgaris literaturae histrioniam, circumforaneamque vanitatem terso, et perarguto dicendi genere lenensam conspicies. Nec potuit inde sibi temperare scri-

4) in Lexico Iurid. voce ostentare.

5) IV. Tusc. Cap. 9.

6) Lib. I. Cap. 5.

7) Lib. XI. Cap. 1.

8) Lipsiae 1734. cura illustr. filii, Frider. Otton. Menckeni, proditae.

ptor amoenissimus, quo minus aduersus Iure Consultos calamum fringeret, 9) istisque *inuietissimis iuris in orbe Monarchis*, 10) ambitionorem elationem sui parcius licet atque mollius exprobraret. At multo fusiori et incitatiōni stylo, nonnullis abhinc annis, rem exsecutus est, incomparabilis doctrinae Italus, IOSEPHVS AVRELIVS de IANVARIO. 11) Sane vtriusque viri insignis auctoritas ita comparata est, vt mihimet ipsi Suffenus videar, qui in consilium, solum, quo abruperunt, contexendi, iniii. Nihilō tamen fecius certum mihi est et constitutum, affulgente auspicato die, quo oculissimos duos familiares ritu solemnī Doctores Iuris euectos laetor, de ostentatione iuridica agerē, non, vt ex pertractatione materiae dudum false elaborateque peroratae laureollam quaererem, sed vt haberem, quod gratulationem meam antecederet argumentum.

A 3 Ostentatione

9) Orat. II, de Charlat. Erudit. p. m. 254. seqq.

10) Ita Bartolus a IASONE ad l. quidem ff. de V. S. dictus est. conf. Act. Erudit. anno 1702. p. 84.

11) in Republica Iuris Consultorum, cuius sincerum elogium in epistola ad Auctorem Editioni Lipsiensi praefixa, habet: Quam sis ingenio polito, et ad urbanitatem omnem composito, ipse testatur aureus libellus tuus, in quo cum velut pro rostris constitutus iudex omnium seculorum terrarumque Iure Consultos vocaueris in Ius Tuum, et de his libere dixeris sententiam, perquam honorifice a te dimissos Germanos nostros, aut si quos ex his venia vix dignos iudicaueras, hos molli saltem brachio obiurgatos, et magis non laudatos, quam vituperatos, sunt, qui existimant.

Ostentationem iuridicam definitio: gloriosam et circulatoriam rationem Iuris studiosorum, qua portentosam nominis artisque dignitatem, vbiuis gentium exhibitam tradunt.

Si ipsam Iuris peritiae indolem spectes, haud difficile est cognitu, regiam disciplinam esse, et quouis pompae celsissimique nitoris paratu affluentem. Vnde VLPIANVS 12) Est *Iuris prudentia diuinarum atque humanarum rerum notitia: iusti atque iniusti scientia*. Ad quam legem, quoties animum aduerto, toties memoriam subit Glossae futile commentum: 13) *Nihil Theologiae Studio opus esse ad diuina nostrae religionis arcana cognoscenda, utpote quae ex Legum Romanarum libris affatim peti queant*. Quae omnia utcunque se habeant, efficit tamen haec Iuris Consulti doctrina Stoicorum fastosis principiis innixa, aut si mauius, ipsum Iuris prudentiae nostrae cum aliis litterarum vltimarumque professionum studiis amicam connubium, ut nimium quantum extra oleas vagemur, et nos saepius *Μυγιότεχνίτας* reliquorumque omnium artificum sodales, ne dicam Praesules, profiteamur. Igitur veteres in Iure Consulto desiderarunt *caput ferreum*, nullam aliam ob causam, quam ut molem indigestam rerum sustinere, omniscium BALDVM 14) agere, et Turbae forensi cum assidua multiformis eruditionis

comme-

12) l. 10. §. 2. 7. de I. et l. l. 2. 7. de LL.

13) Accursius in Glossa ad l. 10. D. de I. et I.

14) Mutuatam sumpsit hunc Titulum a Zasio Nic. Henelius de Vet. ICt. p. m. 166.

quietamus et deludimus? Quare istud Plautini militis 17) velim hic perpendatur.

Regi hunc diem mihi operam decretum est dare. Enim vero necesse est, nimum sibi tribuant; qui se nemini civium comparant.

Transco ad plausus aucupandi studium iuris legumque cultoris

Gloria quem supra vireis et vestit et vngit. 18)

Sicuti mimorum, agyrtarum, vnguentariorum, myropolarum, et id genus hominum mos est bene vetus, sed diu reiectus et solemniter exprobratus; vt numerofo comitatu stipati, vesteque pretiosissima amicti, in Theatra et suggestus famam immortalem suam et facinora egregia sua eaque visu mirabilia per longam titulorum et imaginum seriem ostentantes, incredibili confidentia sui prodeant, indeque loci, tanta, quantum compitum et forum est, vocis et animi contentione, coram multitudine vndique adrepente, perorent, isti, ab ore suo, manibus complicatis et suavi vultu, pendenti, immunitates et Diplomata sua, bombycinis, nec non auro et argento largo splendentibus inuolucris vestita, exponant; atque postremo, finitis ad multam noctem scurrarum et simiarum productarum praestigiis ludisque, concionem istam suam, alga, melanorhizo, asa foetida, et tinctura laterculo coctili exsucta, misere onustam dimittant; ita, pariter in iuridicina Leguleii, Rabulae,

17) Plautus in milit. glor. A. I. Sc. Lovo 77.

18) Horat. L. I. Ep. 18.

bulae, Formularii, Antiquarii, legum Contortores et
 Profectores, Praeuaricatores, Concussores alique super-
 ficarii Iurisprudentes exsurgunt, qui supplicii quondam
 ab ALEXANDRO SEVERO 19) Imperatore in VE-
 TRONIVM TVRINVM constituti plane immemores,
 clientulis anxii fumum vendunt, eosque variis artibus
 et gesticulationibus AMMIANI MARCELLINI 20)
 penicillo pergraphice depictis, pecunia et fortuna
 emungunt omni. Atqui videre videor iam aliquos ex
 me curiosius sciscitantes, quo pacto istiusmodi iuris
 scientiae propudia et eueriores ingenium ventosissi-
 mum suum declarare, in diemque proferre soleant, in
 hoc potissimum incumbam, vt, perspicuitatis gratia,
 vnumquemque ex iis singulatim Scenae committam.

Ordior a Leguleiis, gente subtili, disputatrice, inani-
 ter operosa, peruicaci, et Herculana scabie, vt ita dicam,
 perditae infecta. Huc primo loco refero peritos iuris,
 qui, dum sine lege loqui erubescunt, occasione data, to-
 tas phalanges et turmas earum congregant, lectorem-
 que in aciem immittunt, ex qua elabi maximo nisu et
 cupiditate anhelat. Neque sufficit legicrepis istis, in
 scriptis cum orbe erudito communicatis, tam effuse et
 magnifice nugari; verum etiam pro Tribunali agentes,

B
libel-

19) Lampridius in eius vit. cap. 36. Nam cum comperisset im-
 perator, quasi Vetronius Turinus, fumum, euentus caussarum
 simulate et incassum vendidisset, ausumque adeo praeuarica-
 ri, illum ad palum alligari, suppositoque igni ex stipulis atque
 humidis lignis fumo necari iussit, praecone acclamante; Fumo
 recte perire, qui fumos vendidisset.

20) Lib. XXX. Cap. 6. et 7.

libellis et positionibus, centones variis de locis sehsibusque diuersis influunt, non aliter, ac si iudicem ius docere decidendique rationibus instruere, conueniat. Caeterum, quaenam grauitas et altitudo erigit prurituque PALAEMONI 21) haud absimiles magistros, quorum cura et vna cogitatio in hoc collata est, vt exesis vetustateque inuidiosa obliteratis codicibus et membranis affixi, aetatem in syllabis conterant, fragmenta Anteiustinianae Iurisprudentiae laboriosissime conquirant, in numos rubigine paene obductos arroganter et ingeniose commententur, atque postremo ACCURSIANA 22) facilitate legibus accurrant, eo, vt nomen suum in scholis Criticorum quotidie clare et sonore debuccinare audiant. Traheret autem etiam istos antiquitatum minutularumque peruestigationum fauiores sua voluptas, modo mores suos ad obsoleta, et pristinum Graiorum Romanorumque statum componere, febriculosius haud studerent. Ecquis cachinno non concutitur, si faciem huiuscemodi literatoris, vt numismata vetusta exhibent, aere sculptam cognoscat? **Quinam**

ine-
21) Hic arrogantia fuit tanta, vt Marcum Varronem porcum appellaret. Secum et natas et morituras literas iactaret. Nomen suum in Bucolicis non temere positum, sed praesagiente Virgilio fore quandoque omnium poetarum ac poematum Palaemonem iudicem. Gloriabatur etiam latrones quondam sibi propter nominis celebritatem paruisse. Suetonius de claris Grammaticis. n. 23.

22) Ita enim de Accursio scribit Guido Panzirolus de clar. leg. interpr. Lib. I. c. 29. Iactabundus habitus est, quod se Accursium, quia opportune legibus accurrit, dictum fuisse, ambitiosius scribit in l. 34. §. 8. ad SCTum Trebellianum.

ineptum et praeposterum non videbitur aliorum institutum, quo vel lampade GELLIANA lucubrare, vel per Deum Fidium Iouemque tonantem iurare, vel accumbendo cibum capere, vel in atriis arma atque maiorum imagines exponere, assolent? Certe, taedet oratione longa reliqua prosequi, cum maxime, quod in aprico versantur virisque cordatis stomachum mouent maximum.

Interim, quamuis plerumque ne honestum quidem, quod est gloriosum in vulgus, videas tamen imperitorum stuporem nulla re magis excitari, quam rixa vecordi, et habitu in aridas nulloque succo praepingues quaestiuunculas inquirendi. Fac periculum, ascende cathedram, propone nullis decerptis Auctorum locis conditam Iuris meditationem, et loquere pondera mera ampullarumque expertes ratiocinationes, annon te coetus reueretur, tantique faciet, quanti verbosum ostentatorem, qui omissis fontibus riuulos confectatur, qui non proficere, sed conspici cupit, quique ne transuersum vinguem quidem a sententia sua recedendum autumat. Quae, vbi tacendo praetermittere nolui, suppetunt variae adhuc artes et machinationes, quibus inclarescendi cupiditas, hominum in cortice Iurisprudenciae haerentium, plana et perspicua redditur. Namque quemadmodum vino vendibili non opus est suspena hedera, ita se res prorsus aliter habet, cum nostris quorum characterem designandum in nos suscepimus Thraconibus. Sciunt, fetales non esse, quales mascula scientia Iuris postulat, indeque laudant Homeros dormitantes, vt ex-

B 2

pergifacti nocumentum non afferant. Prensant com-
 manipularium pectora et manus, scilicet, vt cohortem
 colligant, quae ipsis praesto est, famamque quam aura
 vitali studiosius captant, ad coelum vsque tollendam cu-
 rat. Plagia committunt caute et circumspecte, scripta
 liberaliori animo, quam modesti verecundia patitur, in
 sui commendationem spargunt et euulgant, titulos li-
 brorum excogitant sesquipedales et meretricio adspe-
 ctu, reticent optimae notae interpretum merita, contra,
 imi subsellii editorum opellas citant et adhibent, tenebris
 inuoluunt responsiones, vt oraculis sint simillimae, et, vt
 breui praecidam, inanem aucupantur rumorem et
 omnes ymbras etiam falsae gloriae confectantur.

Atque hae sunt qualitates ostentationis eruditae
 in genere, nunc redeamus in orbitam, et specialiora quae-
 dam, quantum fieri poterit, pertractemus. Veneratur
 ecclesia Sanctorum Martyrumque exercitum in-
 signem, tribuitque eis miracula et facinorata praecela-
 ra, vt nemo non in deuotam eorum admirationem ab-
 riptiatur. Percurre, si volupe est, acta iure Consulto-
 rum, et valde mirandum accidet; ex ALFENOVVARO,
 Sutore, Iure Consultum scientissimum et Consulem,
 paucorum annorum interuallo, factum esse, CAIVM
 MVCIVM 23) dextram accenso ad sacrificium foculo
 intrepide iniecisse, ALCIATVM, 24) Mediolani nullo
 parturientis dolore enixum esse, RAYMVNDVM A
 PENNA FORTI diuali veluti robore instinctum, scripsis-
 se, et TRIBONIANVM, opus desperatum, quasi per-
 -23) L. i. c. 12. 24) Grauius de Orig. Iur. ciu. p. m. 91.

medium profundum euntem, adimpleuisse. Quare, si ea multaque alia Consultorum prodigiosa fata cum Iurisprudentiae notabilioribus casibus et afflictionibus conferantur, parum abest, quin volumen traditionum iuridicarum, et Iure Consultorum apothefi conspicuorum, compilare possemus.

Erit quoque operae pretium, confutare magniloquentiam, qua sapientiam civilem mercede non locandam et dehonestandam esse, strenue asseritur. Totus est in stabilienda VLP. IAN. SENTENTIA NICOLAVS HENELIVS, 25) quem tamen, rem acu minus tetigisse, quilibet largitur, Patronatus Iurium gnarus. Caue autem existimes, gratis vnquam in Vrbe causas peroratas fuisse, quandoquidem clientibus incumberebat, Patronos pecunia iuuare, tum ad elocandam filiam, filiumque captiuum redimendum, tum ad aes alienum luendum, vel ad mulctam soluendam. Rectius errorem acceptum referimus Philosophis quibusdam, quorum de artibus liberalibus et ingenuis dogmata, abunde constant. Ergo pudeat Ictum, tale quid cum irrisione audientium garrere, quod nec decoro repugnat, nec vitae ratio permittit. Tandem militiae togatae gloriationem considerabimus. Deludit eam CICERO pro MVRÆNA perquam festiue, *Seruius hic, inquit, nobiscum hanc urbanam militiam respondendi, scribendi, canendi, plenam sollicitudinis et stomachi, secutus est, ius civile didicit, multum laborauit, praesto multis fuit.* Ac quamquam probe tenemus illud IVSTINIANI: *imperatoriam maiestatem non solum armis decoratam, sed etiam legibus oportet esse armatam,* neque famosam legem 14. C. de Adu. diu. Iud. ignoramus, tantum vero abest, vt STRYCKIIS et SCHVLTINGIIS assentiamur, vt potius praeter Praenobilissimi IENICHI 26) explicationem, quam ne-

25) de Veter. Ictis p. m. 123.

26) Hic in diff. de spurii Aduocatorum Priuilegiis §. IV. Nugas agunt, qui ex illa militum Aduocatorumque, quam Leo et An-

tiquam explodimus, statuamus: Imperatores non de priuilegijs
militaribus in caufarum Patronos transferendis verba facere, fed
de honore et munere Aduocatorum aequè vtili et honesto ac
militum.

Hactenus exposuimus ostentationem Iurisperitorum, qui,
legum cognitione nuda contenti, applicationem earum pruden-
tem ad facta negligunt. Exigit idcirco ordo, vt ad eum quoque
deueniamus numerum.

Quo multae magnaeque secantur iudice lites:

Quo responfore, et quo caufae teste tenentur. 27)

Offert se autem primum omnium vitium Pragmaticis vsitatissi-
mum, quo, ad perpetuam Processualium enarrationem rapiun-
tur, adeo, vt si Titios et Caios, quos alieno prorsus loco eloquun-
tur, computare velles, myriades clientum, quibus consilium et
adiumentum praestiterunt, enumerandae essent. Sunt ipsis mille
Praeiuicia in promptu, Argum oculeum cautelis circumue-
niunt, stylum curiae, vt cantiunculam recitant, citant in discursu
partes, audiunt, excipiunt, interloquuntur, probant et reproband,
leuterant, disputant, appellat, definitiuam pronunciant. Bene et
sapienter IV VENCALIS 28)

Et tamen hoc ipsi est vtile, purpura vendit

Causidicum, vendunt amethystina, conuenit illis

Et strepitu, et facie maioris viuere census.

Etenim, ita est, vt, nisi ad forum apportaueris frontem duram ani-
mumque ingenii fiducia turgidum, plerumque humilis et ma-
cer abiueris. Ait apud TERCENTIVM actor: *Nam in me pla-
ne Dii potestatem suam ostendere, cui tam subito tot congruerint com-
moda.* Nec est dubium, quin eadem fortuna expectet caufarum
oratores, qui versutia et grandifona eloquentia tincti, fores diui-

themius instituunt, comparatione, caufarum Patronis Priuilegia
militum tribuunt. Neque enim vnquam haec in mentem ve-

nisse Imperatoribus vlla veri specie probari potest. Figurata
oratione in vniuersa hac lege vtuntur.

27) Horat. Lib. I. Ep. 16.

28) Sat. VII.

tum obsident, palmam litigatoribus pollicentur, moras solutionum opportunas nectunt, transactiones persuasione et insidiis celebrant, et omnem denique industriam in hoc collocant, vt mira et stupenda, et a publico rerum cursu aliena infectentur. Scilicet iis Iurisprudencia ager fertilis sit, necesse est, qui tam laetam messem aliquando porrigit, vt cum BALDO, ex solo substitutionum agro et fundo bene culto XVclō. aureorum se refecisse, gloriari queant.

¶ Praeterea sordet istis puris puris Practicis, assiduis vigiliis paranda et cum tenuiculo lucro coniuncta elegantior Iurisprudencia. ¶ Tum renuntiant repudium humanioribus literis, et, graue est dicere, ipsi Corpori Iuris, vbi obseruantias, vsus, et Brocardica iudicialia deuorarunt. ¶ Valeatis, clamitant, cum perna et baculo vestro remque vestram vobis habeatis, o egregii et optimi apicum Iuris scrutatores, per nos concilietis leges, interpretemini duodecim Tabulas, et definitiones diuisionesque inueniatis profundissimas, interea negotia et postulationes procurabimus naeniis vestris et gerris multo succulentiores ac quaestuosiores. Infit CIOERO procul dubio eiusmodi dictis laceffitus: *Itaque, si mihi homini vehementer occupato, stomachum moueritis, triduo, me Iuris Consultum esse profitebor.* Quod quidem ideo hic occino, quo innotescat, humeros, solida Iuris Theoria imbuti, ita comparatos esse, vt per breui temporis spatio interiecto, iudiciariae Iurisprudenciae onus sustinere valeant.

¶ Quae supersunt ostentationis Aduocatorum exempla, strictim et per transfennam indicabimus. Dantur, qui ex lite litem ferere causas per lustra protrahere, Dicasteria interrogationibus et positionibus captiosis confundere, aduersarium scommatibus et sannis adoriri, atque sanctissimarum constitutionum sensum iniustitiae suae aptum reddere, gloriae loco ponunt. Quoquouersum oculos dirigit, incurrent Praeuaricatores, qui ex spoliis ciuium magnos et statos redditus coaceruasse in sinu gaudent, concussores qui animae dotes et astum in condendis nouis terriculamentorum generibus suspiciunt, et assentatores, quorum interest, inimi-

COS



cos speciosa et argumentis nitidis composita ad contendendum
adhortatione excitare. Plura non addam, quod

Caetera de genere hoc (adeo sunt multa) loquacem

Delassare valent Fabium

Adhuc paucis vos volo, AMICI DESIDERATISSIMI, qui
ansam praebuistis, cogitationem in tabulas conicere, quam diu
intra me continui. Igitur, ne rapiatis in malam partem, quas
vobis sacras esse cupio pagellas. Sed date virtutis amori, si
paulo liberius aestuosiusque aduersus vitium declamauerim,
quod iuris prudentiam nostram maculat et deturpat. Scio
equidem ipsis legibus 29) commendationem aliquam sui indul-
tam esse, nec non, quam iustum sit sobrie profsequi ampli-
ficationem et laudem suam, intelligo. Quod si autem quis sibi
persuadeat, haec a me ex affectu et maledicendi cupiditate ex-
arata esse, aliud nunc publice testor conscientia propositi et in-
tentionis simplicis fretus. Docet VOS VESTRA, qua omnia
ponderare soletis, perspicientia, quam arduum sit prauos sae-
culi mores carpere, et tamen iubent officia, quibus deuincimur,
vt palam reprehendantur. Quin, ob eam quam praeuidi tan-
quam ex specula difficultatem, accidisse, ingenue fateor, vt et
verba, quemadmodum nostri loqui amant, in factum tempera-
uerim, et multa, quae experientia quotidiana subministrat, omi-
ferim. Verum, gratulor mihi impense, qui copiam nactus sum,
tesseram amicitiae nostrae tenerrimae, quam ad cineres vsque
seruatam valde aueo, edendi. Maeste, ascendite felicissimo
gressu ad Doctoris gradum, quem eruditione VESTRA ce-
lebratissima VOBIS comparauistis, quem praestantia VE-
STRA ornabitis, quemque in Reipublicae emolumentum, in
Literarum augmentum, et in familiarum splendidissimarum
florem perpetuum, occupauistis. Denique, si quid erit, quo
propensionem erga VOS meam et in posterum declarare
possum, imperate amico, de quo statuatis velim, eum esse, qui
ob incolumitatem et salutem VESTRAM, aetatem
preces instituet ardentissimas.


29) l. 4. §. 3. D. de Offic. Proc.

* * *

(X2373686)

Ka 6229





EXERCITATIO
DE
OSTENTATIONE IVRIDICA

VIRIS
PRAENOBILISSIMIS, CONSVLTISSIMIS
AMPLISSIMIS

DN. M. QVIRINO GOTTFRIED
SCHACHERO

NEC NON

DN. M. GOTTFRIED LEONARD
BAVDISIO

SVM MOS IN IVRE HONORES LIPSIAE
CAPESENTIBVS

CVM PIO ET SANCTO VOTO

OBLATA

A

IOANNE LVDOVICO LANGGVTH
IVR. VTR. DOCT.

D. IX, MAII MDCCXXXVII.

LIPSI AE
EX OFFICINA LANGENHEMIANA.

